

Յերեան այն թղթոյ
 Նորին բարձր գերազանցութիւն մեծ կայսերութեան ֆրանցա-
 յու բաջ խորհրդական և մինիստր հաւատոյ և օրինաց փորտալիս
 մեծ իշխան ողորմած Յեառն մերում
 Ի թաղաւորեալ քաղաքն փառիդ

ԴԱՆԻԷԼ ԿԱԹՈՒՂՈՍԻ ԳՐՈՒԹՒՆԸ ՆԱՊՕԼԵՕՆ ՄԵԺԻՆ

Առ մեծն Նապօլէօն ի Դանիէլ կաթողիկոսէ ամե-
 նայն հայոց

Մեծ Նապօլէօն խաչապսակ ինքնակալ օգոստոս
 կայսր Փրանցայու տիրող քարեպաշտութեան

Ամենաողորմած թագաւոր և պաշտպան եկեղեցւոյ
 հաւատացելոց

Աղօթարար ցանկալի կենացդ և

Յիսուսի Բրիստոսի ծառայ Դանիէլ կաթողիկոս ա-
 մենայն Հայոց և Ծալրագոյն Պատրիարք Արարատեան
 Աթոռոյն Սրբոյ Էջմիածնի, իմանալայն զօրութեամբ
 ներկայացեալ առաջի Բարձրագոյն Աթոռոյ Սուրբ Թա-
 գաւորութեան Ձերոյ խոնարհ երկրպագութեամբ զհո-
 գեւորական օրհնութիւնս հանգերձ Բրիստոսական ող-
 ջունիւ Ձեզ մատուցանեմք:

Յաւիտենից ժամանակաց կայսերք Հռովմայեցւոց
 մեծադոյն գլխաւորութեամբ բարերար և ողորմած են
 եղեալ միշտ Թագաւորաց և Քահանայապետաց Հայոց և
 ողջոյն ազգի նոցա և մինչև ցայսօր ժամանակի անմո-
 ռաց ունի եկեղեցին Հայաստանեայց. և պարծի նովաւ
 միշտ, բայց ի բազմանալ անտանելի նեղութեանց և
 աշխարհակործան մեծամեծ խռովութեանց յԱսիոյ և
 մանաւանդ աշխարհս Հայոց օր ըստ օրէ զրկեալ լամե-
 նայն բարեբաղդութեանց, ահա՛ ծաւոր ամբ են, զի
 վասն ժամանելոյ ի լեաին նուաղութիւն իբրև ի մո-

ռացօնս եմք յամենալուսափայլ մտաց հասարակախնամ
կայսերաց Հռովմայեցւոց:

Ուրախ եմք և առաւելապէս գոհանամք զԱստուծոյ
և զանպատում շնորհաց ողորմութեան նորա, զի բա-
րերար ակնարկութեամբ՝ նորա առ մեզ եկն ի սմին ժա-
մանակի ի Քրիստոսաէջ Աթոռս Արարատեան խոհեմու-
թեամբ և իմաստութեամբ հռչակեալ գեսպան Ձերոյ
մեծահրաման Կայսերութեանդ առ բարեբարոյ և ողոր-
մածագոյն բարձր աստիճան Շահն հզօրաց Պարսից և
առ յատուկ պաշտպանն Սրբոյ Աթոռոյս մերում Աբալաս
Միրզայ որդի նորա ողորմութեամբ և մարդասիրու-
թեամբ և իմաստութեամբ գերապատուեալ բարձր բա-
րեծնունդ Արեգական նշանակիր ծովափստ Բուասոս,
զոր կարեմք հանգունատիպ ընդունել նշան մեծագոյն
ողորմութեան Աստուծոյ, որ երբեմն Հայրն աշխարհի
զաղաւնին՝ յորժամ ի տապան անդր տարածեալ ծփիւր
յերեսս աշխարհահեղձոյց ջուրց:

Լաւ ևս կարէ պատմել լիշեալ գեսպանն Ամենա-
ողորմած Աստուածատիպ սուրբ կայսերութեան: Այլ
մեք վստահացեալ յԱստուածագութ յողորմութիւնս Ձեր
և ի բարերար ակնարկութիւնս նախնի Աթոռակալաց
Ձերոց աստէն ի ծագս տիեզերաց ի ծունկս անկեալ ա-
ռաջի ամենողորմած Աթոռոյ Ձերոյ բարձրագոյն Կայսե-
րութեան, որպէս աթոռակալի Քրիստոսի Աստուծոյ մե-
րոյ, յանձն առնեմք շնորհաց աշխարհատարած ողորմու-
թեան և մարդասիրութեան Ձերոյ և զԱթոռս Արարա-
տեան և զամենայն զհոգեւորականս և զմարմնաւորականս
Հայոց և ամենախոնարհաբար խնդրեմք, զի ուր տա-
րածեսցի ողորմութիւն Աթոռոյ Ձերոյ Կայսերական մե-
ծութեան եղիցի հովանի ազգի և եկեղեցւոյ Հայաս-
տանեայց:

Ողջ լին Ամենաողորմած սուրբ Օգոստոս Կայսր և

մեք յուսով մեծաւ մնամք ողջոյն ազգաւ ազգին կենաց
Ձերոց և վասն բոլոր պալատի Ձերում օգոստոս ինք-
նակալ Ձերոց Բարձրագոյն Կայսերութեան

Խոնարհ ծառայ և Աղօթարար կաթողիկոս ա-
մենայն Հայոց և Ծայրագոյն Պատրիարք Արարա-
տեան Աթոռոյն Սրբոյ Էջմիածնի Դանիէլ:

Օրինակ հասցէի սոյն մուսավատիս

Հորին կայսերական մեծութեան ինքնակալին Քրանցայու եւ
գրալի Իգալիոյ օգոստափառ Մեծ Հապօլիօն ամենաողորմած թա-
գաւորի մերում

Ամենափառաւոր պալատն իւրոյ կայսերական բարձրութեան:

ԴԱՆԻԷԼ ԿԱԹՈՒՂՈՍԻԿՈՍԻ ԳՐՈՒԹՒՆԸ ԳԵՐՄ. ՓՐԱՆՑ Գ. ԿԱՅՍԵՐ

Ա.

Առ կայսրն Գերմանացոց խնդիր վասն հրովար-
տակի, զի քաց յայնցանէ, որք ունիցին զգիր ի պատ-
րիարգէն Արարատեան, այլ ոք ի կարգաւորաց, մի՛ կա-
րող լիցի մտանել ի մէջ Հայոց եղելոց ի սահմանս տէ-
րութեան իւրոյ:

Ամենալուսափայլ տիրող ինքնակալ հզօր կայսր
Հոսմայ եւ Գերմանիոյ Փրանց երրորդ:

Ամենողորմած թագաւոր և պաշտպան հաւատացելոց
Աղօթարար անգին կենացդ և

Յիսուսի Քրիստոսի ծառայ Դանիէլ Կաթողիկոս ա-
մենայն Հայոց և Ծայրագոյն Պատրիարք Արարատեան
Աթոռոյ Սուրբ Էջմիածնի ամենախոնարհ երկրպագու-
թեամբ զլիաբերան օրհնութիւնս հանդերձ Յիսուսա-
ւանդ ողջունիւ Ձեզ մատուցանեմք:

Սէր և խնամակալութիւն Կայսերաց Հռոմէացոց
առ Թագաւորս և առ Քահանայապետս և առ ամենայն